

四庫未收書輯刊編纂委員會編

四庫未收書輯刊

北京出版社

柒輯・貳拾叁册

四庫未收書輯刊

四庫未收書輯刊編纂委員會編

北京出版社

柴輯・貳拾叁冊目錄

中山集詩鈔六卷 〔清〕郝浴撰

一

嘯雪菴詩集一卷題咏一卷新集一卷題咏二集一卷 〔清〕吳綃撰

四九

真山人後集文二卷詩二卷 〔清〕李昌祚撰

一五三

瀆槐堂近詩一卷燕南日征草一卷

落花詩一卷瀆槐堂集唐一卷 〔清〕傅宸撰

二三七

約齋文集四卷 〔清〕馮雲驤撰

二七五

水西近詠十卷紅鶴軒詩草二卷

水西高逸詠一卷南帆唱和詩一卷 〔清〕田茂遇撰

三〇五

黃雪瀑集不分卷〔清〕黃中撰

四七七

調運齋詩一卷和陶詩一卷

調運齋文鈔不分卷調運齋集不分卷〔清〕錢陸燦撰

六三五

〔清〕郝浴撰

中山集詩鈔六卷

清康熙刻本

序

昔庭堅有虞載之歌韻流復旦召伯有卷阿之什聲協
鳴岡曼乎遠矣其後二程子及紫陽朱子各有篇章以
行於世上之與漢魏爲伍而次亦方駕於四唐作者之
林是皆以鉅製鴻裁開藝林之風雅者也乃天下不得
以詩人目之者何哉蓋帝師王佐勲猷烜赫足以參贊
經綸而理學醇儒以身任乎未墜之斯文守先待後厥
功懋矣枯章摘句其餘事耳詩固不足以盡之也定州
大中丞復陽郝公初任郎曹吏事明敏洊登言路氣節
激昂蜀道乘驄壯軍威而妖氛屏跡邦溝攬轡清鹽莢

中山集詩鈔

王序

一

而商旅騰耀粵西之節鉞攸尊桂嶺梧江爭羨令行似
水亂後之瘡痍載起蠻煙瘴雨共欽澤普如春可不謂
勳猷爛如者乎當其投荒遯海竄跡邊方氣以摧挫而
彌剛志以銷磨而益勵以格物致知爲真諦理有專精
以萬殊一本爲指歸學無岐向超然於得喪成虧之外
湛然於天人性命之中駸駸乎一代之醇儒矣而謂可
以詩人目之乎今試取其詩讀之或驚心於烽燧或蒿
目於封疆關塞迢遙望逃鄉國冰霜凜烈夢想

君親理財之釐剔良多救荒之撫循尤切諮詢利弊籌時政
以措者俯仰河山憫民艱而灑淚怨而不怒直而不訐

其思悄然以深其慮穆然以遠其詞溫然以和筆痕墨
藩之間恍若有孝子忠臣端入正士之聲音笑貌盎然
呈露而不可掩焉雖不得以詩人目之而詩之必傳於
後無疑矣公之仲子中美先生余同年好友也接跡臺
垣聯班卿貳文章政事卓有可傳實能紹公之家學云
康熙六十年歲次辛丑季冬朔旦年省小姪王企靖謹
題

中山集詩鈔

王序

二

郝復陽先生傳

真定梁清標撰

公諱浴字冰滌又字雪海後更號復陽先世由山西洪洞遷定州之唐城歷數世至恒瞻公大鈞以恩貢考授通判隱居不仕則公之父也公少有異稟年十六輒高自期許有澄清斯世之志崇禎壬午癸未間遭兵亂避難山中猶讀易不輟夜步河干尋味義理值狂飈疾雪浩然忘歸留心世務慨慕古人不屑爲俗儒章句之學順治丙戌舉於鄉己丑成進士起家刑部廣東司主事兼攝浙江司郎中事爬梳弊孔老吏不能欺尋改授湖廣道御史巡按四川是時巨寇劉文秀盤踞滇黔川中郝復陽先生傳

尚多伏莽屠戮之後一望空墟有司率皆營弁委署職業不修公至披荆棘立約束數徼行廉得其狀力事清釐兵將斂手吳三桂方握重兵駐蜀軍無紀律每結隊逃亡肆劫憚公嚴正今各路不發塘報公疏發其奸三桂意陰忌公迫兩路敗衄東西川俱陷三桂棄川北退至綿州欲回漢中會方補行辛卯鄉試公當監臨聞賊且至官吏士子倉皇思竄公密令兵將環守亟檄司道馳騎慰諭逃卒揚言秦兵旦夕至人心稍寧而公在鎮院中剖析經義談笑自若卒竣聞事蜀中賓興之典實自是科始也又遣健兒飛檄邀三桂等赴援責以大義

謂不歿於賊必歿於法一晝夜凡七往三桂等不得已始回保寧然猶豫未決公多方譬曉面授方畧乃決策固守俄賊至保寧踞錦屏山勢張甚公憑堞指揮矢石過耳屹不爲動賊夜渡嘉陵江繞出城後公輕騎遍歷行間激發忠義將士踴躍背城迎戰無不一當百竟奏大捷是役也公功居多

世祖知公才堪辦蜀詔問收拾全川實著公具疏前後數十上皆荷

採納三桂挾王爵驕貴意持兩端莫敢誰何而公以少年書生獨挺身與抗不爲小屈且密陳其跋扈狀逆折奸萌

郝復陽先生傳

二

而三桂卿之切骨矣

朝廷頒賞酬功公以得不償失疏辭不受益與三桂忤思有以中之先是司道董顯忠等類以將弁改授公奏劾仍改武用至是三桂摘公疏中目不識丁之語喚顯忠訴於朝公竟坐降調閣臣馮公銓陳公名夏成公克鞏呂公官張公端合薦公才堪大用三桂恐公柄用乃撫拾前疏指爲冒功欲置之歿

世祖察其枉流徙盛京公至徙所益潛心聖學深思密証期於表裏瑩徹或中夜有所得必披衣秉燭書之謳吟達旦不知身之在窮荒也尤嗜孟子及二程遺書築室三

檀顏曰致知格物之堂危坐研究其中垂二十年今

上幸奉天公謁道左具述按蜀始末奏對詳明

上改容慰勞者久之及三桂果及如公嚮所言特

旨取還錄用仍補御史侃侃論列尋巡視兩淮鹽課謝請

謁嚴立科條私販屏跡差竣以稱職復留差一年裕課

數十萬加太僕寺少卿淮揚大稜道殣相屬公倡議設

六廠賑饑全活數十百萬人在差卽擢僉都御史未閱

月再晉左副都御史前此所未有也明年遂命巡撫廣

西

陞辭日面奏畿內重地宜厚加培護秦民輸輓頻年勞倍他

郝復陽先生傳

三

省宜破格優恤兼條析粵西事宜皆稱

旨賜賚有加單車之任大示懲創設廳通衢許被害者控訴

特糾十餘人屬吏始各奉公又疏請汰虛糜之馬裁添

設之兵預防要害簡練精銳四事皆報可往者滇中班

師例由黔楚後乃假道粵西公力言土師並無郵傳馳

驅瘴煙毒霧中未便又粵西灘高舟小入楚往往覆沒

舊例於永郡接換後令迭抵長沙公亦請照往例交卸

兩者皆荷

俞允粵人如釋重負請卹久事諸臣以勵忠節資給鄉舉衣

冠以作士氣建立書院以勸來學稽覈支領以清浮冒

諸政將次第舉行而公以積勞兼苦瘴癘病且卒矣士
民巷哭者三日喪之歸也炷香叩送千里不絕其先巡
撫傅公弘烈在軍中那移帑金七萬餘兩公請以庫項
扣抵未及補足公既卒護印者誣爲侵隱部議革職追
贈

上嘉公巡鹽巡撫兩任潔已愛民免其追賂並予祭葬蓋異

數也公孝友真篤少時念祖喪未葬輟自摺左臂以志

痛爪痕深入膚裡其至性有過人者負才卓犖有膽畧

憂患之後更達於學勇於爲義赴人之急不啻疾痛之

在身獎借人才惟恐不及雖歷艱難而用世之志彌久

郝復陽先生傳

四

不衰至當大事他人張皇失措公不動聲色處之裕如

爲文音崛單詞片語妙絕天下門以內嚴若朝典生平

刻苦自厲有運甓之風自少至老所遭多苦境嗟乎殆

性近之矣公有五男子其仲子林壬戌成進士沉毅類

公諸子亦能世其家學

贊曰嘗觀古來嶽崎磊落之倫往往多嶮巇非常之遇

如雪海公殆其人歟余與公交數十年叠聯姻婭嘗過

所居唐城覽其風土經理井然知此中有人焉翰林瀧

亭王君素不謀面讀公錦江十六疏驚且歎曰當吾世

乃有此人哉輒造公邸舍值他出乃登堂設座再拜而

去公夙具奇癖足迹所至窮幽涉險毫無恐怖好訪古今人物以及山川阨塞靡不周悉當按蜀時微行山谷見一大鳥張翼蔽天世所罕觀管登華嶽宿其巔候曉嶽靈中夜見白光自空來道士云此卽白帝公非有夙緣莫能見也粵西之役舟過南嶽冒雨登祝融峯頂天忽開霽遂縱觀日出沒以爲快遊噫嘻亦異矣憶公居塞外時偶入關共余剪燭抵掌劇談經濟恒至夜分窺其英氣無少摧挫公誠偉人也哉

郝復陽先生傳

五

序

予頃受復陽先生一編而卒業焉乃慨然於前賢之言不吾欺而其未盡之旨可以引而伸之無盡也夫才以濟世學以廣才此今古不刊之語也而古人之爲學也尤以見性爲本經方爲用亦以經方爲用復性爲歸此又學之歸墟不二而顯微共貫者也復陽先生海內異人也英特弱冠終賈讓席一持繡斧而出卽以定力昌言震煜海內屹然如山嶽之不可撼矣然予素寡交遊未之識也迨先生編管遼海偶一把臂灑然異之時則已英華內歛淵淵爲學道人矣而瞻視非常則猶隱隱中山集詩敘卷之序一

在着字間不可盡掩迨

賜環而旋南視淮揚睦政釐蠹奏最軍興賴之人又共知爲管敬仲劉士安接軫人矣夫官海之策其弊積而不可詰也爲日已久先生此一役也遠邁前賢鼓舞盡致如濂洛之析理細入繭絲如淮陰之用兵驅市人而縛強寇恢恢游亦固救時宰相才也然而此皆先生之一映耳豈遂足以盡先生乎先生嘗過予談次慨然曰爲人臣者無以有已無已則爲臣之義盡矣予因曰爲學亦無以有已無已則爲學之義亦盡矣何也無已則無欲無欲則王佐之權輿無已則無我無我則聖人之

藁簫也彌綸六合而冲漠一中者非此物此志與先生
自茲以往佐

聖主

之教寧而傳前哲之心印者正未有艾也夫四海之康

濟須異才而千聖之薪傳惟同道予謂古人不吾欺而
其未盡之義可引伸者正以此耳先生其勉之矣至經
濟之遠猷詩歌之奇致有心有目者當共遜心久矣茲
謹言其大者

康熙十有八年歲次己未淄川高珩撰

中山集詩鈔

卷之

序二

中山集詩鈔

目錄

一卷

歌

五言古

七言古

二卷

五言律

三卷

七言律

中山集詩鈔

目錄

四卷

七言律

五卷

五言絕句

七言絕句

六卷

七言絕句

中山集詩鈔卷之一

歌

中山郝汾



爲李鍊師歌小至陽生圖

故國蓬萊殿方壺李道君密牖窺冬至夜定九宮文作
摩太極爲離坎坐令兩儀氣網緼元解如斯久已矣惜
乎空有猶龍之書存書云天心天地根不謂吾師蹶之
上崑崙誠哉李耳之子孫卦文胡爲龜作程玄都一閭
開朱明始將羽化扶搖起背負青天而爲九萬里之行
重爲思曰元黃戰日魚鳥驚逍遙往往擅虛名聳斜如
中山集詩鈔 卷之一

墨方瞳清吾師疑是歲星生當其危襟坐五更雪流銀
漢寂無聲姑射綽約在水晶洞視六陰氣不平飛霜之
劍作龍鳴疑神上與虛危爭忽然而來一陽通勢如武
侯出隆中氣如高皇歌大風仰視青章光熊熊嗟乎吾
師真歲精此時任督二脉交雌雄紫河之內嫣然一朵
芙蓉紅

五言古

弔明蜀撫軍葆一張公

崇明昔遘亂明綱猶未委豈無心膂臣徵兵及蛇豕駕
馭寧盡乖天地合瘡痍蜂動翕百蠻流血殷淪水燦燦

芙蓉城旦夕將摧圯公持霜斧出椎牛誓介士捷伐固
有威忠孝亦有理遂令執及衆感激厲廉恥復城二十
七恢地二千里至今溪峒中談公猶擊齒再有邦彥亂
永寧盡賊壘公膺節鉞來將卒六千耳殲滅十萬寇迅
若掃浮醴距今三十年蜀運未休石獻逆揚其波群盜
縱橫起強壯膏郊原老弱委泥滓鱗鱗萬家邑化作榛
與蒿嗚呼千頃禾鞠爲根與稂莠浴也叱馭人志在遵前
軌遺民一何寡交以生爲累蜀吏一何弱爭以黜爲喜
吏民亦人情致此良有以師行動以萬邑民百十止豈
暇事耕耘不足供驅使况復滇黔間伏莽叢姦究永寧

中山集詩鈔

卷之一

二

未遽入淪城師暫已賴有保宰提經畧從茲始公當明
祚衰建豎偉若彼予當清盛初匡濟僅如此明明忠蓋
業胡爲遜君子豐碑吹作塵蔓草迷祠址聊採故老言
題詩付青史哀哀巴淪人公在爾不歎

金剛峯

林麓穿不徹都爲蒼潤封線天當路豁滿插青芙蓉高
華無與極云是金剛峯低徊禮其足卿山日已暮來朝
把名香追尋智者踪踉蹌環珞下雙手一當胸萬峯爭
秀發一鶴下青松偶脫金剛巔渠反跋而顛伸手頂可
摩委如抱足龍乃知此間大衡突盡包容區區一拳石

不足問僂恭人天有巨眼無爲金剛塞

七夕

天籟簫銀州風簷月可晤仰視明河白牛女忽相顧無
影掛虛丹足音響獨步傳聞帝之孫今宵有嫁娶羽毛
壓彩虹渡口飛仙呼洞見五雲中窈窕舒情愫千秋此
不真萬古有真聚紅塵遮兩儀人情愛反覆如剝復如
姤如穀復如輓精白王睢鳥紫翠湘妃竹寂寞雙星下
馨香在簡牘蕭然此日中聊曬腹中蟲懶擬雉朝飛何
須布禪眼

人

中山集詩鈔 卷之一

三

號物之數萬其理惟一真真在人間世千家萬家春所
以古君子象鳥慕其親英英雲露下濕我舊松筠秋香
隨花笑嶽翠其誰鄰憑鴉猶父子蜂蟻尚君臣敢謂屠
龍客無計出飛塵釋解青礪髻老駕紫河輪相觀彈說
去自驚轉九新顧以大圓裏保蟲繁星陳束髮開混沌
喉舌聲信信窈窕嬌紅粉凶頑怒鬼神若與理爲讐日
夜鑿其醉一朝勢擺落蝴蝶幻其身卽以得魚釜罵此
傳火薪受恩如滄海不足供笑噉可憐綱常上旭彩發
秋旻親日爲之祝君日爲之甄聖日爲之鐸賢日爲之
津三萬六千日并無一個人親情與君義千載空酸辛

假如蓄僧髮使冠蓮花巾又如燬道籙強垂素索紳叛
彼而服此於理嗔不嗔乃惑人家子繒裂其絲綸已恨
祿升木不匡東教舉况讀聖人書毛髮亦陶鈞何爲成
陌路群飛驚振振

老僕還

行李成急卷著起舊衣裳近前移一步下淚已千行人
情未免有兩淚出肝腸低頭仍併足何語上高堂爲道
不才子終日救疎狂自悔不讀書未鑒而手傷於今
思宥日擁書當艷陽穀雨栽藕花以甕作池塘茅籬及
肩高青畦數武長種菊兼種菜菜根菊花香亭亭齒齒
出太傅筦紅粧斗米醅爲酒時與各士嘗啞然開笑口
更不談文章不爲違膝下兒亦儘徜徉

解鄉人入藩爲述何氏友于之雅寄贈

青青楊柳岸何郎馬一聲東望盧龍塞北臨堯母城憶
昔河津上知汝弟兄情階前連彩袂中堂坐老彭兩弟
雙白嫂吾孟未添丁柔顏談笑處熒熒小星明何郎亦
驚顧花燭已前擎錦席嬌好色寧馨計日生高堂帶笑
呼佳兒佳婦行誰氏無琴瑟東隣以妬名誰氏無伯仲
西隣日稱兵紛紛讀書者憔悴舊紫荊不圖兒女輩使
我氣和平此情及此事解于熱心傾對酒聊一歌大荒

中山集詩鈔 卷之一

四

天色晴幾時歸去來柳條青未更登君華亭樓奏君鸞
鳳笙信彼南山壽卿杯聽鳥鳴

喜雪簡魏石生總憲

改元仲冬日雪作舊成城開門一長望路已及雲平天
花纏曉氣尚與白俱傾無乃帝左右高處有調羹嚴霜
開紫電十月走雷聲睥睨此造化寒暑久不誠何圖乾
戰後忽遭玉戲成所以信彼蒼於此密支撐珊瑚姑射
影冉冉出蓬瀛但覺柴關外福來如羽輕龜息元辟穀
鶴語自呼名焚香孔子讀氣羸理轉精天心疑畫出戶
牖忽光明破顏當雪拜曰吾帝好生綏綏天乳下一葉

中山集詩鈔

卷之一

五

一金莖顧瞻九土厚盡報以瓊瑩龍荒三萬里同是玉
瑱瑱山川鬆鱗甲海綠疑其睛玉門呼吸處自有一龍
行天家占大有黃河帶雪清白鳳如可儀庶其喜起廢
飲姑蘇吳使君坐中有感

江南佳麗地百智鍾姑蘇每怪其雕龍一出九州無豪
貴入關門肉眼落青眊求其靈密藏或言水獨殊遙封
三百里千溪貫太湖客夏聞潮涸石出瑩肌膚以此想
其人臆腑欺曉轡何以大君子反不望萬夫衆山雖蒼
翠五嶽架天衢川流總明滅江漢自規模開創在天家
吐握有大儒太平一以奏絕技此清娛名守今開宴垂

簾諸笙竿曲終延二妙價可十斛珠艷色而驪歌青衫
濕玉壺春風無覓處吳下覩阿奴

仲冬攜令君馮陽長沈方平蔡石公昆弟同遊蠡

山

越有名大夫才忠報伯禹當其末孫危絕智狎吳怒仇
空國色還拂衣入煙浦我來汎清溪群山翠可數散展
躡佳峯飛雪抹石乳劍寒西子房竹青梅花塢舊云范
少伯片帆掛此土嶺傳回馬名松披陶朱圃賢侯擁畫
圖彌山綴歌舞火簇紅牙香陽春妬鸚鵡攜來三數人
縱酒醉今古吳越即春秋不足供吞吐年來產二豪聰

中山集詩鈔

卷之一

六

穎殊無伍擒王啓世宗先天護高祖變化疑少伯高明
少伯俯百世聚神龍爛然發規矩生平愛浙江寤寐此
三甫夜闌分手開斜風濕細雨

七言古

元夕銀州草堂讌集

上元雨雪過酒家獨酌取醉夜闌踏雪歸益無
聊念我同謫都物化矣天外孤踪復來舊雨後
一日招聚草堂聞歌醉月因事書懷

銀州雪汎廣寒宮燈前隻影醉搖紅月中之人今已矣
零落霓裳在眼中曉來獨漉狀頭酒不覺如蘭之臭同

茅簷擁雪分山翠一鳥嚶鳴百鳥聽升堂尚憶投三刺
再世誰知此土逢瓦牀拚結跏趺坐鯛花帶雪沃蘭蕙
几中六葉宜審器上傳宣德元年字不圖酌酒清如空
一照鬚眉皆墮地甯爐所養尾已顛鮒鮒蚶鮓不知名
忽引洞簫吹白雪鸚鵡之舌鸞鳳聲梅花夜餐青天外
楊柳春風紫塞盈超超玉漏明河轉心飛滿座舊公卿
公卿回首青雲墜窈窕呼吸還素位灑掃虛名襟帶開
千秋脊骨今始出三復上古聖人書一拜當今聖人
賜聖人天上卿雲歌謫官雲裏舞菱荷起看瞻影空
雲路滴瀝當頭手可摩恒山西照三千里直下有水名
中山集詩鈔卷之一 七

辱袖吟

生平不近妓廿年來絕之益嚴至令不敢仰視
疇昔之夜縱酒自娛乃納其手於袖不亦辱乎
撫几獨坐作爲此吟斯何似升庵對山輩所爲
而遂不及龍場驛丞也哉

生平不才頗愛身二十餘年學自守億昔行下玉階來
鏡湖春色章臺柳多少韶年遊冶兒一嘖一笑看成醜
袖間獨佩聖人書何啻將軍印在肘水天更標琅函密

掌紋千載雪爲耦蛾眉曼綠盡塵飛凝襟咫尺誰能扣
不聞清漏濕寒宵坐擁寒骨賤於狗酒湊耳熟唾壺缺
誤開雙袖炙其手此年此月是何時品品玷在青蠅口
不嫌雞肋汚模稜猶誇妬殺西施藕十年十五二十年
爛然矩矱忽非某酒闌客散筵席罷辱在袖中空自嘔
龍圖何復黃河清伊川不更拂衣走需濡世界恨無窮
注視徐家好七首倘能再閱洗腸池寧惜大度爲君剖
不勤小物豈吹毛身名一向憑北斗

銀岡行

豈不愛一廬簾捲秋山讀父書豈不愛一堂生階玉樹
中山集詩鈔卷之一 八

看兒行豈不愛一官班押騎頭紫綬繁豈不愛一林朋
從魚鳥散幽襟豈不愛一壺醞燒紅燭請竿竿豈不愛
一牀雲鬢曉立溫柔鄉自從東髮親燈火弱冠登朝遂
作狂俯身束戍黃龍下紅顏綠鬢盡滄桑二十餘年寢
不寐天涯回首月如霜雖恨百憂淫瘦骨猶喜心開書
一囊洛下真儒踵孟子翰墨直開泗水香晨登講席歌
薤露千山翠色落銀岡可知大道終歸正從此丹山起
鳳凰

咏孤竹王將軍開諸葛洞事

青衣之江看山來斜落紫池走風雷武侯正向不毛去

糧艘中卸勢恢厯當時端視曾留識寸墨千年魚霧埋
崖頭鳥道軍前儲一粒一血排門差天家拊髀時南顧
孤竹才人號武庫代天經畧推耆儒千郡咽喉懸句注
中原精甲下昆明中路一綏爾都護下瞰江心臥雙虎
屹如灤瀨逢其怒爲吾精選五丁來各將鑿山巨靈之
霜斧布是何大地一拳石敢當吾 聖人征討不庭之
餉路繩以尺寸約以法紅旗一招五丁聚頃刻飛雲碧
血流峻嶒一斬浪花注比肩同放五斛舟萬斛糧艘脚
尾渡柳塘一路徹龍衝舳艫只如平地趣人間爭誇王
將軍豈知當時數已註細推丁未南陽說一一都似君

中山集詩鈔

卷之一

九

名字嗚呼君不見蜀守陽水鑿離碓貫徹江漢雙流滙
又不見守印穿山開囊斜漕涓餘艘魯不潰肝衝千載
誰與倫孤竹將軍爭項背我歌此曲詔來者朝宗永莫
趙北鴻

中山集詩鈔卷之二

中山郝洛雪海甫著

五言律

月

霜降山嵐隱娟娟月薄城振衣何厓落舉眼愈高明白
雪登樓興飛鳥匝樹情安知玄對裏瞬息見天行

二

炎涼逐日改澹泊有君能皓魄四時活天心萬古澄乾
坤歸簡易風氣任憑陵不昧盈虛理青霄故故升

病

中山集詩鈔

卷之二

一

繁憂芟不去潦倒月明間萬里心如擣三更淚欲斑龍
孤吟黑水虎逸肅斜山俯仰西南事蕭蕭瘦客顏

二

宇宙名何在天人淚漫濺十年心力破一病鬢毛斑漠
漠仇花月悠悠負聖賢撫躬思大藥把鏡一愀然

病愈

貌已爲時瘦心微仗理開桃花拍岸起鐵騎擾雲來年
少輸神策言多種鬼胎固因澄錦誓浪費烏魚精

聞冠

莽上平蠻頌輕傳諭蜀文羌江生怒沒溪洞結愁雲楚

蜀兵難合黔滇勢未分近聞涪水寇剽劫日成群

獵虎陽

天壤騰兵氣胡爲鷹狗間僕姑矚羽翼汗血自斑斕雨
作朱衣夢心飛青海灣何曾逐狡兔風雪每愁還

中秋夜分

大地澄於水當頭好月來嬋娟還自舞桂殿爲誰開搔
首聽雙杵飛星勸一杯浮槎從此去寧復顧三台

二

聲聲華表鶴不去復何時雲母蟠桃顆金波桂樹枝千
秋屬此夜四海及誰知橫笛千峯上寥寥獨個吹

中山集詩鈔

卷之二

二

聽王氏癡奴夜哭

無言空滿抱昏夜動哀音白盡庸人眼難灰寸草心墨
輪飛紫袖廣柳著黃金共爾客塵裏啾啾漏欲深

魏昭華貽玫瑰花

唾手成霖雨春生絕塞花色空天外眼香入故人衿丹
竈千年氣赤城一捻霞不聞仙佩響疑是飯胡麻

重陽前一日

帝京三十月見此一籬花艷色隨陽重幽香近節加臨
風清舊眼已病醒脾家負郭香醪滿明朝隨處賒

溪上大士庵寓目

魚穿楊柳渡馬散白雲洲一掌飛龍地千頭飯雪牛蒼

潮天外雨虹入禁中樓冉冉青山下何人報酒籌

二

落日雲山紫鐘聲滿帝鄉香傳鸚鵡傷鳥叫妙莊王草
橋分蒼翠金波上渺茫自憐蕭索後不減舊來狂

偶成

寂寞封籬落黃昏月不勝雲飛全是雪海嘯亦成水虎
坐披千卷牛衣照一燈可憐獨卧久不得夢魂凝

首夏

首夏雪微塵青畦步春墨光澄竹簡燕語韻風人心

中山集詩鈔

卷之二

三

澹花香細着舒雨脚新自從腴戰後草闌亦精神

彩雲

榆海金烏照卿雲塞外飄春秋當禹盛造化亦迢迢掩
暎霓裳動扶疎劍氣驕光華遠咫尺看字想神堯

七夕咏懷

天上知何似人間寄此宵尚疑蝴蝶夢誰解鳳凰簫仙
佩金天響鴉翎雲漢飄明明見牛女夜永益清超

八月十五夜

中山垂白髮遶海此中秋一見孤圓月平吞萬里愁飛
空顏色動顧步水晶流望斷如銀路何曾變淚收

同陳心簡看月

四更天不夜滿眼月分明盡撒銀河影獨懸潮海聲疎鐘一度落白髮幾根生妬殺南征雁雙雙片羽橫

二

呼曉雞聲沸空堂物色驚昔懸熊虎壘今滿鳳凰城墨氣橫空盡星文觸地行何當一遠嘯幾處見銷兵

輔國東園

帝子讀書處春風百草香高明此閱世與博自升堂舊里溪松柏平原下鳳凰善多心益樂俯仰見陶唐

祖越寺值雨

中山集詩鈔

卷之二

四

松聲量萬壑秀色簇成雲滴瀝空山翠矜礪旭氣曛烟霞侵杖屐鐘磬入氤氲十載名山興千金此見聞

二

憑檻遙看處雨闌山益真新紅嬌綺樹老翠東龍鱗萬里重開隔千峯此日親可憐杯渡影攜著過江人

夏日過溪郡東園

可能卽五嶽一日足烟霞深樹青雲沒虛牕白晝斜山陰誰載酒陸羽自烹茶不爲新豐去清涼好作家

二

畫棟巢新燕匡牀護絳紗清闌一枕夢香破五侯爪道

義歸滄海芝蘭放晚衙只今惟酒頌可以娛年華

三

森森松竹起翠接紫金山司業隨流水尚書久閉關簾開瓦雀出葉密乳鳥還空有臨棋客悠悠別墅間

四

剩有蒼生願方期挽鹿門薜蘿還掛月風雨好開樽盛色人間老浮名天壤存都無留滯意披豁對乾坤

溪學泮池新生二泉其甘甲郡

潯流溪下博宜廟出吳莊虹起龍門闢雲飛水竇香鼻泉成潤德花縣幾滄桑頗有蟭螟客霜清苜蓿堂

中山集詩鈔

卷之二

五

夏日同即翁龍金邵度錢太青劉永生家可權叔

遊舊家東園

豈謂尋幽勝翛然數騎從解鞍花徑迤邐水鳥聲重人事歸流水鄉關老客踪習池猶此在無復渭川封

二

水靜雲圍樹石欄抱玉壺投筇七子在倚枕五雲鋪花重疑蓬島魚遊入畫圖隨緣成勝集到處一座無

三

洛吟吟未已三弄有斯人齊物漆園晚倚蘭泗水春未空新建境時恨穆之貧灑灑清陰下松筠滿四隣